



КАНАНИСТ
СВЯЩЕННОМУЧЕНИКУ
ПАВЛУ ЖИТОМИРСКОМУ

Кондак 1

Избранный во иереех угодниче Божий и дивный житием
благочестия подвижниче; терпением многим прилоги
вражия разорил еси и стоянием в вере дерзновение обрел еси,
страданием даже до смерти небесным венцем украсился еси;
выну молися за ны, от теплыя любви благоговейно тебе поющия:
Радуйся, священномучениче Павле, земли Полесския честное
украшение.

Икос 1

Ангелов Творец предуведев неуклонное сердца твоего
изволение, все житие свое на служение Богу и ближним
посвятити, избра ты в пастыри чадом Церкви Своея; мы же
зряще верность Христу даже до подвига мученичества
непоколебимо явленную, ублажаем тя благохвалении сими:

Радуйся, корене благочестиваго доброе насаждение;

Радуйся, града Радомышля святое прозябение;

Радуйся, кротких родителей плод благословенный;

Радуйся, славных небожителей друже новопрославленный;

Радуйся, в вечном блаженстве со святыми упокоенный;

Радуйся, лицезрения красот нетленных удостоенный.

Радуйся, священномучениче Павле, земли Полесския
честное украшение.

Кондак 2

Ридя благопромыслитель Господь благонравие души Твоея и рачение; яко издетска молитве и службе Божией усердно прилежал еси, и ум богомыслием возвышал еси; от юности управи помысл Твой в селения горняя, идеже днесь радостно поеши Богу. Аллилуиа.

Икос 2

Разумяя промысление о чаде богоданном, родители твоя тишиною благочестия семейного окружая, молитвою ограждая и в вере наставляя под сень храма Святыя Троицы приведоша тя, в немже последи молитися выну возлюбил еси, сего ради прими от нас словеса похвальная сия:

Радуйся, в честь апостола языков нареченный;

Радуйся, в купели крещения Ангела во хранителя приемый;

Радуйся, дарами Духа Святаго запечатленный;

Радуйся, благодатию Пресвятыя Троицы осененный;

Радуйся, чтению Божественных писаний издетска наученный;

Радуйся, жития святых и поучения их возлюбивый.

Радуйся священномучениче Павле, земли Полесския честное украшение.

Кондак 3

Силою Вышняго уготовляемый во спасение многих, яко чадо послушания, чистотою и кротостию юная лета украсил еси; к молитве прилежней труды благочестия прилагая, всем сердцем Богу прилепился еси, присно поя Ему. Аллилуиа.

Икос 3

Нмуще воистинну нехладное сердце, любовью ко Отчестей Христовей Вере уязвился еси; глубину, красоту и величие Православия познавая, тщался еси сохранять мир в сердце своем; дивящися же таковому твоему рачению со умилением зовем ти:

Радуйся, цвете благоуханный добраго воспитания;

Радуйся, сосуде крепкий Божественнаго избрания;

Ра́дуйся, во благодати Божией непреста́нно возраста́вый;
Ра́дуйся, своево́лие во́ле Божией покоривый; Ра́дуйся,
чистоту душевную усердно храни́вый;
Ра́дуйся, приле́жно моли́твы к Бо́гу возноси́вый.
Ра́дуйся, священномучени́че Па́вле, земли́ Полес́ския
честное украше́ние.

Кондак 4

Курею помышлений сумнительных не возмущаем был еси́,
когда́ возжелал струями живото́чными богослoвiя
напита́ти ду́шу свою́; во обитель Богома́тери прите́кл еси́,
преподобным Печерским моля́ся, премудрость Божию
всеусердно познавал еси́, ны́не же водвори́ся со все́ми
труждающимися Бо́гу, воспева́я Ему́. Аллилу́иа.

Икос 4

Ио слышанному тобою сло́ву Евангельскому, я́ко от Бо́га
прия́тыя таланты многодеятельнаго плодоприноше́ния
потре́бны, напра́ви стопы́ твоя́ в духо́вную шко́лу пресла́вного
града́ Києва; таковое твое́ душеспасительное и богоуго́дное
начина́ние видя́ще, дерза́ем воспева́ти ти:

Ра́дуйся, к знанием спасительным неленостно
устремивыйся;

Ра́дуйся, в училище благоче́стия зако́ну Господню
научивыйся;

Ра́дуйся, от богомудрых наставников догматы ве́ры
позна́вый;

Ра́дуйся, от благодати преподо́бных глубины премудрости
Божией прия́вый;

Ра́дуйся, в разуме Богом утверждённый;

Ра́дуйся, сердцем в Бо́зе просвещённый.

Ра́дуйся, священномучени́че Па́вле, земли́ Полес́ския
честное украше́ние.

Кондак 5

Иодвижником благоче́стия подобя́ся, я́ко елeнь на
исто́чники водны́я, устремился еси́ к позна́нию
Священно́го писа́ния и оте́ческих преда́ний, восприя́л еси́

обильно воду живую Духа Святаго; молим тя сподобити и нас быти причастниками сея живительных струй, востекая ко Господу Вседержителю и поя Ему. Аллилуиа.

Икос 5

Видяще тя, шествующа стезею проповедника Слова Божия, законоучителем поставлен был еси, душеполезным учением души отроческия к чистоте духовней устремляя, сим ста яко отец чадолюбивый; сего ради с радостию зовем ти сице:

Радуйся, семена Слова Божия обильно севый;

Радуйся, учением книжным сердца детския напаявый;

Радуйся, закону Божию усердно поучавый;

Радуйся, образ благонравия учеником своим подаваый;

Радуйся, прилежно назидавый души благочестию;

Радуйся, наставниче пути, вводящаго в живот вечный.

Радуйся, священномучениче Павле, земли Полесския честное украшение.

Кондак 6

Уроповедь целомудреннаго и богоугоднаго семейнаго жития бысте еси, егда восприем на брак честен супружницу свою Ольгу; благоверному Петру со премудрою Феврониею подобящися, любовь и милосердие яviste и обидимым заступницы бысте; да подражающе ти в хранении чистоты союза брачнаго, воспеваем законоположнику Христу. Аллилуиа.

Икос 6

Возсия свет праведнаго жития твоего в таинстве брака с добродетельною Ольгою; яко буря скорбей и напастей воздвигаемая злобою мира сего не ослаби веры вашей; ибо щедроты твоея богопросвещенныя души обогати и церковь малую, и тако примером верных назидая, научил еси благодарити тя:

Радуйся, заповедей Господних верный исполнителю;

Радуйся, евангельских истин пламенный ревнителю;

Радуйся, чина и уставов Святыя Церкви рачителю;

Ра́дуйся, святооте́ческих преданий и благи́х обы́чаев хранителю;

Ра́дуйся, благо́сть и милосе́рдие явля́й;

Ра́дуйся, сострада́нием и любове́нию утеша́й;

Ра́дуйся, священномучени́че Паве́, земли́ Полес́ския честное украше́ние.

Кондак 7

Хотение едино имел еси быти пастырем добрым, ему же суть овцы своя, егда приял еси сердцем звание Христово: И жатва убо многа, делателей же мало, проповедник богоносный показался еси не точию словом, но паче житием; незлобием своим агнцу прореченному Исаией подражавый; занеже сподобился еси со всеми без порока последовавшими Агнцу Божию пети Ему. Аллилуиа.

Икос 7

Новое знамение благоволения Божия даровася ти, егда Всесовершительная благодать Святаго Духа постави тя на стезю священства, яко неленостна служителя алтаря Господня и мудра путеводителя душ пасомых, Кровию Христовою искупленных; сего ради на подвиге сем сретаем тя приветствиями сими:

Ра́дуйся, правосла́вия златослове́сный учите́лю;

Ра́дуйся, глаго́лов ми́ра нетле́нного возвестите́лю;

Ра́дуйся, в делании́ трудо́в духо́вных назидате́лю усерд́ный;

Ра́дуйся, искреня́го покая́ния глашата́ю приле́жный;

Ра́дуйся, от е́ресей, раско́ла и суеве́рий ста́до Христо́во оберега́й;

Ра́дуйся, у престо́ла Божия́ моли́твенным предста́тельством ве́рных охраня́й;

Ра́дуйся, священномучени́че Па́вле, земли́ Полес́ския честное украше́ние.

Кондак 8

Странствия земнаго течение совершая, имел еси, отче Паве́, похваляемо имя твое; яко пресвитер был еси образ ве́рным словом и житием, любове́нию о Христе́ немо́щи

человѣческия покрываѣя и путь истинный к Горнему Иерусалиму указуѣя, идеже ныне сияеши славою вечною и с лики ангельскими воспеваеши Богу хвалѣбную песнь. Аллилуиа.

Икос 8

Всего себе отда на служение Богу и ближним, обоѣ заповеди сочета, пастырь неусыпный от чистаго источника Единыя Святыя Соборныя и Апостольския Церкве учением и молитвою врученное тебе наследие от волков ограждаѣя, не убоялся злобы их воздвигаемаѣя, но облѣкшесѣя во броню веры; всем был еси вся; молися присно о спасении и нас грѣшных, возглашающих ти:

Радуйся, храмов Божиих благоискусный украсителю;

Радуйся, кающихся грѣшников с Богом примирителю;

Радуйся, обидимым крепкое заступление;

Радуйся, отчаянным благодатное утешение;

Радуйся, в смятении пребывающих умиротворяѣя;

Радуйся, нуждающимся милостию неоскудно подаваѣя;

Радуйся, священномучениче Павле, земли Полѣсския честное украшение.

Кондак 9

Всякую тайну души человѣческия зря Господь, хотя явити тя мужа совершенна, попусти врагу последи искусити тя, яко злато в горниле; егда день от дне лѣствицу незыблему добродетелей утверждаѣя к небесѣ душу свою, поѣ укрепляющему тя Богу. Аллилуиа.

Икос 9

Витийственных словѣс плетение не довлѣет восхвалити достойно крепость и кротость твою, егда клеветницы лукавыя, татие и хищницы, всякия исполньшесѣя ярости, на тя возсташа; ты же отверстым сердцем приѣл еси призыв Божественныя любви: Иже хоцетъ по Мне ити да отвержется себе, и возмет крест свой, и по Мне грядетъ, Тому невозвратно последовал еси, подвизаѣя ны согласно звати ти:

Радуйся, клевету и поругание с кротостию приѣвѣя;

Радуйся, дивную крепость духа в заточении показавѣя;

Ра́дуйся, би́ение лю́тое от зверона́рных претерпе́вый;
Ра́дуйся, в му́чении огне́м от безбо́жных несокруше́нный;
Ра́дуйся, сто́лпе терпе́ния, зло́бою челове́ческою
неуязвле́нный;
Ра́дуйся, адама́нте ве́ры, ко́зни дьяво́льския посрами́вый;
Ра́дуйся, свяще́нномучени́че Па́вле, земли́ Полес́ския
честное украше́ние.

Кондак 10

Спасе́ния иски́й я́ко бисера́ многоце́ннаго, в
смирённо́мудрии́ му́жески́ всего́ се́бе в ру́це
Вседержи́теля вручи́л еси́, егда́ изы́де на тя осужде́ние сме́рти, в
бо́лезни се́рдца те́пле моля́ся, соприча́стник яви́лся еси́ Си́л
Небе́сных, восклицáя с ними́ спаса́ющему́ тя Бо́гу. Аллилу́иа.

Икос 10

Сте́ну необори́мую, от дре́вняго врага́, имéя в несумне́нном
упова́нии и пла́менной любви́ ко Го́споду, тече́ние жити́я
му́ченически́ сконча́л еси́; да не сокро́вен бу́дет свети́льник
добродете́лей твои́х, но да све́тит всем, сего́ ра́ди неуста́нно
взыва́ем ти похва́лами́ си́ми:

Ра́дуйся, Христу́ сораспя́тися о лю́дех вседу́шно
вожде́левый;

Ра́дуйся, кро́вию му́ченическою́ во свиде́тельство ве́ры
обагрённый;

Ра́дуйся, терпе́нием свои́м гони́телей Це́ркве посрами́вый;

Ра́дуйся, всепоглоща́ющую сла́дость небе́сную вкуси́вый;

Ра́дуйся, бисере́ драгий, в не́драх земны́х Го́сподом
обрете́нный;

Ра́дуйся, в Ца́рствии Небе́сном в ри́зу нетле́нную Ду́хом
Святы́м облече́нный;

Ра́дуйся, свяще́нномучени́че Па́вле, земли́ Полес́ския
честное украше́ние.

Кондак 11

И́ение всеумиле́нное принёсл еси́ Бо́гу, егда́ узре́л еси́
И́красо́ты нетле́нныя и благода́ти неиспове́димую си́лу
прия́л еси́, созерца́яй от дне преста́вления́ твоего́ и до ны́не

Царя Небеснаго, Его же славословят вси ангельстии и святых соборы, восклицая Создателю своему. Аллилуиа.

Икос 11

Светозарная благодати носителя яви ты Господь во днех наших, обретением честных мощей твоих и с ними нетленного Евангелия, его же верный служитель был еси; и прославлением в лике новомученик велия радости нас исполнимый, да памятуяще явленные доблести твоя, моления таковая приносим ти:

Радуйся, непоколебимое Православия основание;

Радуйся, вершино добропобеднаго в подвизех подражания;

Радуйся, соль земли от тлена греха охраняющий;

Радуйся, грозде винограда Христова, вином новозаветных благодати напаяющий;

Радуйся, о мире неусыпный молитвенниче;

Радуйся, иереем в трудех верный сподвижниче;

Радуйся, священномучениче Павле, земли Полесския честное украшение.

Кондак 12

Благодать цельбоносну подая всещедрый Бог от Своих неистощимых сокровищ; ибо благодатную помощь обильно почерпаем от честных мощей твоих. Исповедуя велие твое пред Богом дерзновение, молим тя, сподоби и нас в Царствии Небеснем вкупе с тобою пети дароподателю Богу. Аллилуиа.

Икос 12

Иююще славное и неборимое стояние твое в вере, ублажаем тя, священномучениче Павле, на тебе бо сбытся слово Апостола: Ихже предугади, тех и призва; а ихже призва, сих и оправда; а ихже оправда, сих и прослави; видя, яко избран еси сосуд Божией благодати, сотвори чрез ты Господь славна чудеса; ныне же стояще в храме и чтуще память твою, в благоговении исповедуем тя:

Радуйся, граду Житомиру превелие украшение;

Радуйся, отечеству нашему незыблемое ограждение;

Радуйся, камению веры во Христа несокрушенный;

Радуйся, небожителю, Трисолнечным сиянием Святыя Троицы озаренный;

Радуйся, яко мученическая кончина твоя явися верным назидание;

Радуйся, яко мощи твоя суть, чистоты небесныя благоухание;

Радуйся, священномучениче Павле, земли Полесския честное украшение.

Кондак 13

Спреславный отче наш, священномучениче Павле, прими малое сие моление, и твоим дерзновенным пред Богом предстательством умоли даровати мир Церкви Святей и жителству нашему. Направи нас во временней жизни твердо следовати стезями воли Божией, и в вечней жизни наследники бытии Царствия Христова, воспевая вкупе с тобою Спасителю нашему хвалебную песнь. Аллилуиа.

Сей кондак глаголется трижды, затем икос 1 и кондак 1

Молитва

С, святыи угодниче Божий, священномучениче Павле! Подвигом добрым подвизался еси на земли. Сего ради восприял еси на небесех венец правды, егоже уготова Господь всем любящим Его. Мы же, чтущия святую память твою, радуемся о терпении и смирении твоём. Ты же, предстоя престолу Божию, прими моления наша и ко Всемилостивому Богу принеси, о еже простити нам всякое прегрешение, и помози нам претерпети вся искушения и козни диавольския без роптания, да избавльшися от скорбей, болезней, бед и напастей и всякаго зла, благочестно и праведно проживем в нынешнем веке и сподобимся предстательством твоим, аще и недостойни есмы, видети благая на земли живых, славяще Единого во святых своих Бога, Отца и Сына и Святаго Духа во веки веков. Аминь.

Тропарь, глас 4

Образ верным словом и житием был еси, отче Павле, и обидимым заступник. Сего ради враг рода человека ополчися на

ты. Ты же оправдаться не восхотел еси, но клевету, поношения, темничное заточение и лютыя истязания безропотно претерпел еси. Сего ради Венцедавец Христос увенчал ты и с лики мучеников совокупи. Тем же и мы почитаем страдания и подвиги твоя, новомучениче земли Житомирския.

Кондак, глас 5

Пастырскаго служения правило, неустанный проповедниче Слова Божия, обидимых заступниче, терпению и смирению нас научаяй, священику мучениче Павле, Христа Бога моли спастися душам нашим.

